



橫雲山人集卷之四

雲間王鴻緒儼齋撰

山暉集

懷周子山中

雲林吾愛機山好載酒春停江上船
樹裏鏡浮三泖白窗中天豁九峰懸
仙溪別後空畱夢叢桂詩成有幾篇
遙想子真棲谷口翠巖修竹亂鳴蟬

其二

君家山閣壓層巒六月紅蕖面碧湍
丹壁火雲常作電翠濤松壑自生寒
龐公老覺幽居慣阮籍愁



隨濁酒寬樗散百年空侘傺滄浪爾我有漁竿

聽兄話登岱之勝因賦

宇內名山首岱宗羨兄雙屐踏芙蓉夜觀蓬海翻
紅日曉對天門瀉玉龍篋裏白雲猶漢檢巖前蒼
榦自秦封卧遊曾入宗生夢歌枕驚殘隔寺鐘

送姚鍊師還山

鸞鶴飄然下紫冥羨師丹轉駕雲輶囊螢十斛空
乾死願引仙壇寫道經

閨思

美人下粧閣含笑摘芳蘭忽覩春光晚無言珠淚

彈

古別曲

庭花半已殘白露秋欲結俯仰月明中何處無離
別

五君詠

陳黃門 子龍

給事天人姿藻采何挺拔響發必金聲弩末可穿
札遭亂登諫垣頗爲奸黨軋不作褚淵生傷哉鸞

翮鍛

夏考功 允彛

考功本儒者雅負經濟才
厦傾嗟一木沈淵乃自
裁哲兄泮林秀蹈義何
雍哉更痛無完卵千秋
賦大哀

張少保 肯堂

少保始入臺諫草已諤諤
及秉八閩節將驕主愈
弱度勢不可爲全家泛
大壑髣髴厓山事忠魂
並寥廓

李舍人 待問

舍人工染翰下筆迴有神
一官猶未達頓際世運
屯王師數萬至濺血東
城闈亦知倒戈是未敢

遺君親

徐孝廉 孚遠

秀廉司寇裔相國傳簪纓
聲華振蘭綺蔚然三代
英風塵粹瀕洞萬里航
蓬瀛埋生鱷島中長逝
無還情

雜詩

斜漢宵低戶明星淨如
滴庭烏號霜枝銀釭燦
秋壁君子遠行役深閨
守孤寂雖有忘憂草憂
至何能摘寒魚知夜沉
秋蟲知夜織微物遂所
樂人世翻感感白日難
西升引領罕良覲

其二

旭日動殘夜團鬪啓暘谷纔照滄海東倏下西山
麓義馭不少留夸父何能逐秋穉難綴條春華詎
重馥人生貴與賤譬彼雲過目顧瞻石上松勁幹
凌霜綠學道秉其真堅剛以自勗

飲鷹垂齋同禹服徠遠景馭德遠長文叔祖
有六弟維士岩士

賤子苦拘束躑躅寡行樂賴爾同素心邀余堂中
酌柞燭膩銅盤葡萄泛羽爵探鈎競往還主客恣
酬酢霜清萬井鐘風度高城柝銀河拂檻邊星斗

參簷角俱是意氣士耳熱雄談作且盡良宵歡莫
遽悲瓠落

寄董少楹

愛爾高臥余山邊青松白石流春泉昨夜銀花捲
地去晴峰帶雪窗中懸我欲一泛訪戴船春申風
浪拍遠天篙師縮槳不敢渡山行空憶謝臨川

戰船行

國初海島藏殘賊鯨鯢自恃洪濤力千軍萬騎飛
不得詔造戰艦掃南極戰艦乘風須礮砮虜具
鳩工走丞倅斧斤鋒盡并鐵銷松柏斬竭吳山兀

弩窗矛穴百尺齊女牆霧帆如城闕擊刺安知陸
海寬凌波欲振龜鼉窟更有篙師畫殊像青雀黃
龍屹相向漁舟烟暝蹴槳來仰看樓櫓疑天上可
憐樓櫓倚天高將軍擊楫懼風濤十年不習昆池
戰却少戈船下瀨勞只今 天子矢文德田橫客
散烟塵息州縣傳呼析作薪工料重科千倍直可
堪雨雪朽江頭寧教酣戰滄洲沒昨日傳聞里正
來艨艟更造濟川材不知墨吏緣何指忍使流遺
中澤哀

寄贈顧茂倫

今代風騷主登壇復幾人虎頭才卓犖龍腹望嶙
峴爽節蓮擎嶽文瀾劍躍津百城閒自擁一賦賣
甘貧門暗先生柳風高有道巾山從琴際響鳥向
掌中親不作東吳尉長垂北海綸烟霞真獨往月
旦更殊倫水鏡南陽澈斤風郢匠神梭羅珠集網
陶鑄汞成銀妙句傳巖穴名篇動搢紳選樓千載
重藝苑此時新余也吟何癖悲哉氣未伸客迷三
徑竹書滿半牀塵賞識誰雌霓蹉跎豈席珍漫勞
裁敝帚容易許陽春交合投詩日聲騰作序辰欲
酬知己意赤鯉放江濱

柴門

懶散江湖興柴門處士家琴書消午夢園圃課年
華掛榼宜松下看雲就水涯游鱗晴觸荇嬌鳥墮
爭花時斲巖間笋頻烹雨後茶身閑忘曆日林密
任欹斜自笑幽棲慣尋遊五嶽賒

江南樂

家住長千里日買長干酒壚頭看數錢花拆櫻桃
口

其二

雲鬢簇花鈿笙簫泛畫船唱歌徐蕩槳搖曳綠楊

烟

其三

灼灼西施顏纖纖湘妃襪試向秦淮遊相看映秋
月

採蓮曲

香動採蓮船水濯採蓮手含笑問蓮花得似儂顏
否

田家

偶步東江曲來憩西山麓西山高入雲黛色瞰平
陸平陸一以眺萬頃秋禾熟縱橫陌與阡實穎含

馥郁非藉胼胝勞何以慶比屋藹藹水邊村依依
原上木溪童弄短簫田父驅閒犢不須扣角歌詎
異子真谷井稅早輸官餘者爲私蓄役車可自休
奚必丹其轂願棲十畝間晝耕夜且讀

登崑山謁二陸祠

二陸西遊洛雲間始著聲地靈人是俊山秀玉爲
名文藻留遺蹟登臨得曉晴禪房瞻拜罷白恰念
平生

其二

山陰縈曲磴傑閣倚雲屏三泖窗中白羣峰樹杪

青花光迷遠嶼帆影入烟汀莫負幽棲意灘邊鶴
可聽

訪橫雲李氏廢園

夙昔誇金谷今餘山下村到公空有石中散已無
園亂竹環蹊密危峰插漢尊若論興廢感不減聽
清猿

其二

纍纍青山下荒涼陸氏墳炎劉傳古器典午辨遺

文

山中多古墓相傳晉陸氏所葬至正間土人發
冢得古磚上鑿晉太元二年又得古銅獅乃漢

也器馬戀千年室牛耕萬古雲不知雙鳳隕曾返此

江濱

小赤壁

數仞驚天鑿巍然迴拂雲此邦誇赤壁何處遇曹
軍風月荆吳合江山大小分坡仙如過訪孤鶴正
堪聞

其二

山自橫雲勝東連石壁奇峻嶒疑劍削蒼碧似天
歎岸斷舟堪繫江清月倍宜鱸魚原此地斗酒更
何辭

機山

名山傳內史丘壑久荒烟曲徑無從入繁花空自
然河橋悲黑憶谷口剩紅泉千載遺文在猶堪琬
琰鐫

其二

機山旁有周釜山先生園亭

僕射園亭好平原傍古村湖光環數頃峰翠正當
門不斷清泉響時聞黃鳥言春和來訪勝興極倒
芳罇

山平干山

俗名天馬山

天馬來西極飛騰冠九峰踞鞍皆梵刹環鬣盡雲
松右矚湖光白南瞻海嶠重楮鞭揮不起長此隱

吳淞

其二 楊鐵崖墓

山半名賢墓春深草自菲
蘇碑無處覓野雉忽驚
飛擣藻傳青簡還山喜
白衣一生橫鐵笛祇覺和
歌稀

細林山

僊館神龕迴層巒上碧空
霓裳三泖月笙鶴十洲

風雲洞花常滿丹泉井自通
山有雲洞丹井餐霞應有法

何處覓彭翁
明初彭素翁得道於此

其二 贈諸一峰

辭家成獨隱高蹈迴誰倫
嗜酒嵇中散遊仙郭景
純堂含千竹翠山覆百花春
亦有棲真志欣逢鶴背人

余山 陳徵君繼儒隱處

地自東余舊名因處士廬
谿流南垞入聲改松影北
窗虛人物追時盛山川屬
亂餘不知遺藁內可有
茂陵書

其二

一徑西余僻蒼然萬竹深
雲生猶染翠日午尚含
陰古殿憑高嶂閒房轉曲
岑同行有支許從此滌

塵襟

遊徐文在西余山莊

相國流風遠名園有辟疆
半山花作徑百級月迎
廊檻外峰爭秀堦前水
暗香知君厭朝市高枕到
羲皇

其二

文靖今無第青山尚一區
攜家堪共隱到處欲名
愚雲吐重重綺風搖樹
樹珠幽居應已足堂燕任
平蕪

與鷹垂

六年兩上書還向北山
居恨余足幾別悲爾鬢先
疎巖黑藏饑鳳潭寒老
巨魚半生飛動意屈折任
居諸

青溪道中

春日青溪棹山光紫翠重
長橋垂遠岬一水夾雙
峰澗曲帆隨轉村深花自
濃武陵如可覓吾欲問
遺蹤

暮春同維士北行與表叔吳非蒙叔祖有六

叔印周景曾靖公弟巖士別時雷雨

迢遞燕山道春城五兩開
氣蒸山壓雨江黑水奔

雷話久移征棹途分悵別杯鯤鵬或可化感動一
徘徊

玉峰道中感懷

縣擁蒼山落照開數層樓殿翠微隈
雲立帆轉孤城隔樹來題柱應誇司馬筆上書誰
擅洛陽才昨宵還繞高堂夢倚杖期登郭隗臺

泊閭門

津亭夜泊檣燈齊孤鴻欲落寒鴉棲
影動銀河抱樹明星低齷齪風塵牛馬走離心漫
折閭門柳五更蘭漿又孤征毘陵道上空回首

黃家營

不盡沙霾野摧顏萬里風灘喧河溜赤鴉亂夕陽
紅土銼居人滿茅檐過客同征鞍明日上蹇兀正
何窮

過劉馬莊

驛道仍趨北山形漸向東戍懸防寇鼓門掛射狼
弓麥飯沙偏雜瓷甕酒易空凌霜五十里過此日
方中

古寺

古寺層岡迴殘碑驛道旁檐歌巢鶴鶴檻廢入牛

橫雲山人集卷之四
羊潘兩山神黑霾沙嶺日黃經過凝客眼立馬意
蒼蒼

僕夫

澗擁寒沙白侵流馬銜齊曉雲橫樹斷晴日抱峰
低彈走驚弓鹿檐飛咤客雞僕夫誇捷足險磴有
攀躋

疲驢

細石殘巖道鳴驢饑向人山寒冰作雨風勁野衝
塵涕淚交朋隔關河僮僕親據鞍憂墮地珍重異
鄉身

宿紅花舖

刁斗嚴更戍蕭條斷客行雲吞青嶂溼月射白沙
明險道愁烽火征車得弟兄崎嶇入洛者底事爲
浮名

過郟城

春秋郟子國埤垠尚孤城白日關常閉黃塵客少
行地連殘戍濶天豁亂山晴千里燕臺隔猶餘半
月程

宿李家莊

近入青齊路人烟此地稠客誇金駮裏倡索錦纏

頭棗樹籠岡密星河傍店流獨憐孤枕夜殘角起
鄉愁

土室

土室涼風落棲遑僮僕稀衝雲烽夜舉犯月雁孤
飛書劔悲殘匣乾坤剩短衣征車何躑躅恐壯
心違

曉行

驛路盤青壁騎驢踏曉雲星隨千戍落日出萬山
分征袖頻驚破邊音詎慣聞乾坤作客者無乃類
從軍

沂州道中

又發琅琊道青山到眼多嵐光晴旭動嶺翠曉雲
和見雁愁中度看碑馬上過已嗟筋力盡客子意
如何

宿伴城

獨夜茅簷宿孤燈慘客顏昔輕關塞別今識道途
艱哀角吟荒戍寒星雜亂山故園兄弟在應爲想
刀環

古阪

蹇驢兀兀行道澀平頭奴子負書笈白日陰沙慘

不開黃蒿古阪顏雲立十人五人忽相失四顧蒼
茫憂思集茅簷有叟問前途瞪目無言掉臂入我
生何爲趨路旁安穩滄江是篔簹

遇雨

白雨千峰落崎嶇石逕難書霑油幕溼風動毳衣
寒投宿村猶遠兼程午未餐腐儒天地內辛苦是
征鞍

雨阻青馱寺望嶽

泰嶽雨聲懸中天掛瀑泉雲迷三觀日峰暗五松
烟我欲恣游屐誰同倚絕巔登臨嗟未遂茅店獨

愁眠

野店

野店山岡上雲中掛酒帘歇鞍當日日落倒甕喜杯
添馬怒時喧櫪雞栖欲上檐異鄉晴未久泥淖客
心淹

蒙陰

蒙陰原舊邑午飯逗行裝小店嘶官馬居人徇女
牆絲抽山繭細茶點石衣涼更欲投何處浮雲古
道長

酌同維士

晚對磬山酌蒼然酒一杯危峰晴照裏古殿暮雲隈
麋鹿穿林去牛羊隔徑迴賞心還得句擊鉢爾
同催

同維士登崇善人玉皇閣

魯甸晴開萬里天巒岈山勢碧欄前浮雲忽起青
峰斷落日高銜絕嶂懸亂後數家依戰壘望中百
道掛飛泉自知游嶽慚禽向愁倚風塵古道邊

其二

高臺西望抱徂徠右擁磬山積翠來不盡峰巒朝
雨後無邊亭障夕烟開孤村砧響先秋動獨客鄉

心見雁哀劇有閒愁堪作賦只今誰嗣仲宣才

其三

此地羊公存故里我來憑弔一高歌碑臨獨樹陰
偏少風起晴沙晚更多雲嶺萬重連渤海巖流千
折下沂河關山往蹟添愁眼鞍馬馳驅意若何

遊碧霞行宮

在泰安州城南

巖城南聳碧霞宮玉宇丹題嶽頂同白鹿晝迎松
柏路石壇春響珮環風四山飛瀑來天外三觀歸
雲入殿中暫憩不隨車馬散欲聽仙樂下晴空

岱嶽

層霄嶽頂矗雲濃帝座崔巍翠萬重殿閃日華翻
海嶼天低星漢濯芙蓉倚壇碑碣秦時篆溜雨虬
龍仗外松 聖代豐功光玉冊六飛早晚見東封
將至張夏口號

過景州城

漢代條侯地名傳細柳營千年消舊壘百堞峙孤
城鳥向空壕落雲含曉增晴徘徊還弔古獨客且

長征

獻縣

客久馳驅慣凌晨獻縣過黃雲連鉅鹿紅日散滹
沱地勢迎關壯山形入冀多無邊臨眺意俯仰一
高歌

河間

關門迎日啓曙井帶烟多壁壘雄三輔蛟龍變九
河南連無棣濶北控范陽過欲識前賢蹟蕭蕭白
草何

翫月同諸子飲研山先生宅

御苑鐘聲落燕山片月流光搖銀闕迴影度玉河
秋對酒狂呼慣論心靜夜畱明朝封事好知減廟
堂憂

奉贈侍御施研山先生

海內真推濟世才十年冰節重西臺霜清關隴花
驄出日近天街赤棒來愛客每開王儉府論文嘗
接孔融杯黑頭公輔勲名早佇看星辰列上台

飲大宗伯龔芝麓先生齋

文章海內識君宗禮樂虞廷寵命重客滿平津揮
玉麈筵開幕府散芙蓉雲窗綠映臨城柳花檻青

浮抱闕峰幸許譏才叅末座便期門下變魚龍

上大宗伯敬哉先生

碩望東山等謝公家庭繼業大司空兩朝爵秩三
臺貴累世勲庸八座同開閣每邀珠履客聽松閒
卧石窗風自慚羣從烏衣末踪跡青袍尚轉蓬

上學士田遜庵先生

天祿名登第一流銀魚朝佩入龍樓風飄漏刻銅
壺轉日暖香烟桂殿浮每譯封章清禁晚時裁綸
誥紫宸畱鳳凰池上神仙客可念窮途阮籍愁
秋夜同劭六方回鷹垂赤城屈遠受周兄后

張欽研山先生齋

銀河斜掛禁城頭烏府開筵對素秋琥珀杯涼庭
露落葡萄架湧月華流風飄三殿傳鐘漏匣合雙
龍動斗牛最是感恩同國士明珠空抱幾時投

題黃大宗溪柳向山圖

有序

蓋聞泉流石上曾傳摩詰之詩柳畔風來亦
入子山之賦况玉鏡含輝波借影娥而並濶
金堤拂露帶分青瑣以俱長恍登彭澤之廬
如對梁園之沼我友系本次公襟清叔度少
夢生花之筆譽擅江東長裁枯樹之篇聲雄

冀北追隨名父不殊謝氏芝蘭締結良朋何
啻陳庭羔雁乃習靜初秋寤歌一室軒連翠
渚常生濠濮之思窗矚青峰恍挹蓬瀛之勝
巖岫參差而向日榿桐翳鬱以含烟書幌高
褰每對西山朝爽珠簾暇敞時看北闕晴雲
何异晏相之居似闕蔣生之徑走賦一言聊
疏短引既非潘岳文江必入鄭公苦海竊自
慙焉何以告之

西山橫翠壓窗明水榭風來枕簟清碧沼晚臨秋
塞月綠楊朝度上林鶯何妨文筆追司馬更喜琴

樽擬步兵愧我作歌同下里羣公偏幸有逢迎

橫雲山人集卷之四

橫雲山人集卷之五

雲間王鴻緒儼齋撰

山暉集

飲程周量寓齋

粵嶠推才子英華一代雄曲江曾獨步清禁幾人
同鶴影桐軒下杯香月露中高吟和彌寡匹似浣
花翁

其二

屋後西山繞靄然秋雨餘坐來空翠滿話到晚涼
初孫綽金聲賦羊欣白練書知君能好事雅尚古

人如

飲沈繹堂先生寓齋

早受中郎賞春風尚後時
阮途空返轍潘鬢欲成
絲寂莫通門舊艱難國士知
牀頭書萬卷暇日許
同披

其二

八詠樓頭月光華滿碧虛
每迎珠履客兼枉席門
車招飲名花下分題夜漏餘
龍蛇看染翰一一右
軍書

西苑

攬轡瞻皇居樓殿雲中敞
綠楊蔭玉河紅日懸金
掌玲瓏鳴鳳騫螭浮梁上
雕牆抱青峰芙蓉蹴
畫槩良辰協 聖心傳呼肅仙仗
侍從執金吾劍
珮迎風響無媒覲 龍顏天門徒一仰
中懷以鬱
陶物色正駘蕩自昔相如賦
遐哉凌雲賞

同友人飲李書雲先生宅

碧梧青瑣晚凝烟滿座賓朋敞
玳筵金縷按歌人
坐月銅盤燒燭夜如年
安期文物光三世左相風
流吸百川豈學甕旁空取醉
不聞絲竹只耽眠

其二

橫雲山人集卷之五
小榼重開坐夜闌禁城鐘漏不知殘繞軒翠竹吟
風細隔岼銀鐙映水寒未有文章酬客難聊憑箏
笛洗儒酸自慚魯國稱年少便向龍門躍錦湍

醉歌行示赤城諸子

青烟濛濛宮月出當軒幔捲銀河入晴光四座瀉
琉璃賓客滿堂衣不濕大笑傾金壘直須一百回
對此常鬱鬱空使形神頽未折范雎脇休悲安國
灰天地推移尚消歇百年富貴何爲哉君不見登
壇推轂無雙士楚滅弓藏竟誰是帶礪盟言墨未
乾女子相給鐘室裏又不見蕭生爲郎小苑東碌

碌抱關輸仲翁一時聲名重賢傅朱游和藥埋丹
忠雕盤綺食列我前沽酒幸有青銅錢一身不受
當世責醉倒即就花底眠其樂乃勝蓬萊仙君如
不飲真徒然

客舍口占

燕地初秋換葛衣飄零木葉御街稀我已自知羈
客久那堪塞雁又南飛壯志風塵休結束一樽且
試傾醪醪城上雲連北闕黃窗中雨過西山綠幸
有交朋異索居不憂彈鋏出無車賈生十八何爲
者願上明時痛哭書

同朱品方洪屆遠顧受周飲梁公呂宅

羨君雀翎插帽長呼鷹走馬天子傷昔請宿衛授
此職貴軼漢世羽林郎生平不識毛錐苦手開霹
靂追黃顰出常參乘趨平樂晚或扶鑿入未央上
直番休怕召客珠燈蠟鳳輝蘭堂蘭堂夜擊柘枝
鼓白題競學軍中舞雪面輕靴蜀錦衫葡萄雙帶
朱絲組傀儡盤旋骨節輕蓮花腰貼氍毹吐更有
嬌童雲鬢妝當筵唱出開元譜魂銷二八鄭櫻桃
宛轉歌珠作鸚鵡此時坐客傾數石忘却金吾還
禁夕阮籍填膺塊欲消陳遵投轄情偏劇三更大

醉始出門一片燕山涼月白

周禹筏拉飲長安酒肆

揮鞭相值青樓前笙簫沸耳張綺筵周郎勸我一
駐馬腰下金環壓酒錢燕姬手拂同心扇柳作雙
眉花作面一曲鶯喉出塞聲能使傍人贈珠釧舞
罷嬌催鸚鵡杯相傾醉倒日西回臨行笑指銀瓶
滿明日聽歌來不來

飲宋雨公寓因作醉歌行贈之

獨坐愁雲繁跨馬到君軒君軒迴合金屏春四座
却擁如花人花姿本是青樓女靜婉生成掌上身

衣衫不學漢結束錦袖輕靴紅簇簇鬢蟬厭作時
世妝綠雲笄首垂明璫玲瓏十指調銀簧見客吳
語轉清狂玳瑁筵開蠟鳳光歌呼大斗傾糟牀主
人意態何昂藏豈令金錯愁空囊直須痛飲東方
明莫嫌銅漏聲丁丁王郎與爾忘死生况有二八
艷色能傾城不爾解君鏤玉盤龍之雙帶脫我鷓
鴒紫綺之輕裘夜半重沽酒再上城南樓美人按
拍歌涼州醉看銀漢聲西流一洗胸中萬斛愁

同侍御施研山先生兄后張飲給諫李書雲
先生園亭

綺席邀蘭署驕驄出柏臺歡娛河朔會款洽竹林
杯鳥戲丹崖嘯魚跳碧荇開遠山明過雨密樹隱
輕雷掃徑花開落銜泥燕去來玉盤深映檻冰簟
坐侵苔霜入彤墀草風高白鳳才交情欣孔李詞
藻媿鄒枚旨酒安辭醉相期帶月回

秋夜同諸子飲侍御徐山琢先生宅

御苑更籌晚開樽夜月臨庭烏窺燭起臺柏聚烟
深花靄珠簾影風搖玉砌陰治河三策備諫獵九
重欽天矯埋輪節崢嶸捧日心久鑄彝鼎字還賞
爨桐音退食邀歡讌高談壓古今

同周子鷹垂送曹達夫還浙

每過梵院論心久相送當爐沽美酒燕女歌飄玉
笛花驕嘶出金門柳羨君才氣何雄豪學士家
聲有鳳毛文彩堦前看獨舉東山堪卧白雲高天
竺樹紅鴛水碧高堂到日承顏色倘話京華把臂
交周王二子常相得

送徐繡虎南還

看君匹馬來送君匹馬去秋風吹斷柳更到青門
處盧溝橋下桑乾水潺湲曉渡情何已回首燕雲
望故人關圍巒嶂千層紫嗟余踪跡尚京華隨君

惟有夢還家遙知玉盞銀絲鱠醉倒籬邊黃菊花

薊北

薊北風霜苦蕭條客未歸笳聲亂鄉思朔氣薄征
衣城迴星旗直沙乾月兔肥乾坤酣戰罷輦轂上
書稀按劍虹常發鳴秋雁自飛故園雲日外宵夢
落漁磯

宛平大司空招飲恭賦

烏衣門巷滿朱輪座隔屏風劔珮新晨迓帝廷蒼
水使暮親子舍厠踰人每教鈴下邀珠履不惜花
前污錦茵旦晚待公弘燮理庭枝交借上林春

其二

鄴侯新建未央宮
曳履朝朝侍禁中
曾預鼎湖憑几命
再襄斧扆受朝功
庭前桃李提名士
座上詩歌采國風
海寓只今叨雨露
知公丹悃格蒼穹

其三

八柱傳家瑞靄濃
金華退食自從容
庭生日下無雙樹
窗占城西第一峰
蓬島有禽皆翹鳳
瑤箋無句不雕龍
儼施綺席容深酌
久坐花陰到夕春

其四

明季氛祲暗玉墀
鷓鴣鸞難寄上林
枝衣冠贈策燕

山道風雨聞雞谷
水湄共見畱侯籌
漢日誰知曲

逆刺船時從來宰
相紗籠護自有神
人默保持司大

空暨尊人宗伯公曾避亂至吳中有武帥先一夕
夢見大貴人至詰旦相遇乃致敬而去萊陽宋荔
裳云

飲舍人錢葆勳寓齋

數載燕吳悵各居
紫薇花下造君廬
秋風驟裏金臺駿
春月觚棱鳳閣書
湘瑟清吟應不減
江花新藻更何如
竹林向結安豐伴
此日相逢有麴車

其二

少小同遊俠客場
興來撾鼓動漁陽
不知劍有成

橫雲山人集卷之三
龍去止覺人無擊筑旁鳳采君能驚李嶠牛衣余
豈泣王章傳杯直到參橫後更喚嬌童典鸛鷖

其三

晶簾小閣晚霏微璧月團團映素暉軟語不知銀
燭跋清觴何用玉人圍連城有價投誰是傾國無
媒計已非回首風流誇六代夕陽今日感烏衣

其四

漫道人間上下牀空嗟客子鬪身強塞鴻書滯雲
中響鄰笛聲飄月下涼入座簪裾還舊雨登樓風
物總他鄉年來頗有相如渴好爲金莖貰玉漿

其五

王翰詞場舊結鄰堂開笙雅不禁春幽蘭香接城
南路紅豆歌傳月裏人刻燭吟成珠錯落探鈎著
處酒逡巡風流一覺樊川夢惆悵金蠶隔兩塵

舍人
堂名

其六

郭隗金臺異昔時敝裘燕市類羈雌碎琴都市緣
何事挾瑟侯門安所之笑我自堪東谷隱對君不
作北山移男兒車笠風塵內世態無須冷煖知

秋日雜感

橫雲山人集卷之五
八
秋來席帽滯神京到處偏增弔古情
遼后妝樓香草歇世宗齋殿野烟生
銅駝幾見荆榛滿金馬新開日月明
賈誼本無亡國恨漫裁三論惜秦嬴

其二

甲第巍峩滿目新天涯書劍爲誰親
欲尋易水悲歌士來對長沙痛哭人
白璧暗投應則卞黑貂雖敝豈同秦
儒生安得排闥闔高足先須據要津

其三

自昔燕昭市駿臺千年無主漫蒿萊
浪遊白日堂堂去空對黃沙袞袞來
壯志欲酬金已盡鄉書未

寄雁先哀明朝那得糟丘伴且向樓頭醉幾回

其四

碣石風光逼素秋參差烟柳落金溝
邊笳自語沙場恨鄰笛能傳旅客愁
阮籍窮途空返轍仲宣懷土但登樓
書生縱負匡時略漫把勲名話黑頭

遊大慈仁寺

傑閣梅林聳碧空丹梯百尺倚晴風
北圍紫塞千峰峻南繞渾河匹練雄
漠漠荒郊飛野馬蕭蕭寒影度征鴻
金遼霸業今何在多少興亡夕照中

其二

橫雲山人集卷之五
九
梵宇雕甍繞玉欄蒼松夭矯作龍盤相傳歲月經
元代獨任風霜閱歲寒白鶴自應棲石室翠華何
用覓秦官閒來箕踞惟吟嘯不覺鐘聲向晚殘

其三

綠樹陰陰覆院牆閒凭石几晚風涼庭因有月呼
三友客爲無家喜上方粥鼓每醒長夜夢松風不
帶軟紅香名場十載空奔走願乞金銳刮眼光

其四

孝肅微時存母弟半生瓢笠寄空王宮中夜覺伽
藍夢世上重新慧日光太后夢見伽藍殿乃覓得其弟繡蟒銀魚

開講座香厨玉粒賜皇莊即今國破雙林在田竇

朱門只夕陽

憲廟時爲周太后弟吉祥建大慈仁寺居之賜莊田數百頃事具名山藏

故鄉

每念故鄉事忽遇故鄉友緘書未及開試問家安
否

送友人

浩浩桑乾水津亭祖征蓋路轉不見君馬行白雲
外

送友人遊白下

已是客懷亂况當折柳頻去畱渾寂莫南北共風

橫雲山人集卷之五
塵草惹征袍綠花含別淚顰不知桃葉渡還有晉
時人

送友入秦

送子函關去山河百二重秦陵惟野燒漢寢賸秋
菴銅馬今方息丸泥豈用封經過如吏問繻棄莫
從容

山寺

山庭寂無人皓月散林影栖鳥知露涼清鐘覺夜
永到此羣籟息翛然萬慮屏明朝攜孤筇更上雲
中嶺

燕京雜詠

燕京五月好風光芍藥盈筐滿市香試解杖頭分
數朶宜窰餅插硯池旁

其二

慈仁寺裏海榴紅却與江南色相同移向小庭閒
佇立絳唇微語曲欄風

其三

易酒當壚斗十千南人下馬口流涎儘教李白思
吞海况有燕姬誇數錢

其四

皇姑寺外行人忙皇姑寺裏秋花香下馬看花者
誰子金彈雕弓七寶裝

其五

燕趙嬌姿墮馬妝五花馱出萬人狂不知紫塞明
妃去可用垂肩三兩璫

其六

憫忠古刹讀唐碑將士征遼實可悲縱有番僧施
梵咒沙場那得髑髏知

其七

金魚池畔豔陽時夾岸人家颺酒旗何處香車來

女伴銀箏低唱白翎詞

元時有白翎雀詞

其八

中頂元君舊有名家家士女競春晴鈿車金駃花
間去芳草隨輪似有情

其九

慈仁每月初兼五松下朱欄列百屨亦有公卿來
問直試評程尉幾文錢

其十

底事京塵動客吟故園佳景憶登臨無風無雨春
三月攜酒攜琴花一林

其十一

官廠玲瓏百物奇
琢成冰玉競春嬉
豪家買得琉璃扇
珍重風前付雪兒

其十二

吳儂只慣憶尊鱸
豈曉甘珍滿帝都
入饌遠魚飛白雪
盈尊羔酒滴紅酥

燕京弔古

牙冠金襖舞天魔
往事興亡可若何
只道宮中耽秘戲
豈教元主惜山河

其二

信國燕京四載囚
小樓何事苦淹留
黃冠歸去圖興復
弔市忠魂竟未酬

其三

薦牘三推謝疊山
孤臣誓死赴燕關
憫忠寺裏蒼苔碣
猶記當年灑淚斑

其四

前朝累代遺璫禍
事到熹宗不忍聞
烈士黃沙埋碧血
寺人朱邸入青雲

其五

莘莘國子盛威容
首善奎光耀辟雍
代歷金元留

勝蹟宣王獵鼓許衡松

其六

郊廟規模屬禮官我來遺制問黃冠齋宮盡是前
朝樹不改青青護碧壇

其七

鎮撫相傳慘毒聞詞連宦寺更深文 聖朝詔獄
刑俱廢園土融成五色雲

其八

瀛洲池館玉河東斜對龍樓映日紅試問乘槎何
處是支機遙在碧虛中

其九

廉圃當年萬柳斜名姬柳下撥琵琶欲尋往蹟知
何處無賴長堤撲柳花

廉野雲於都城外建萬柳
堂一日邀趙松雪盧疎齋
飲酒出歌姬劉名解語花
者歌驟雨打新荷之曲

其十

總攝妖僧到浙東盡將金盃入禪宮於今元寢渾
無主也在寒烟白露中

其十一

城北逶迤接土垣蕭蕭戰壘暮雲繁書生膽氣橫
千古匹馬來看古薊門

其十二

明興宿衛五軍雄末造何人典禁戎銅馬西來摧
虎旅一時風雨變沙蟲

其十三

燕京謾道設重關烽火摧頽頃刻間遺恨渡江無
五馬不歸鍾阜向煤山

其十四

白塔差栽映水湄妝樓廢盡碧山欹宮花不省更
時代依舊春開太液池

其十五

莊烈君臣事可哀白頭宮監說平臺不爭疆索爭
鈎黨銅馬原從金虎來

其十六

七校虛編市販兒赤眉青犢若風馳由秦入晉雄
關破烽火長安尚不知

其十七

符璽何甘軹道邊蟾光義馭盡沈淵鼎湖當日攀
髯痛有幾臣僚哭向天

其十八

玉盃人間劇可憐橋山未卜更淒然桐棺三寸歸

黃土萬古魂歸泣杜鵑

其十九

明亡原不爲蛾眉盜弄潢池國步移燕女那知興
廢事銀箏彈入永和詞

其二十

鳳曆潛銷十七春朝堂厝火臥然薪黑山一起黃
塵滿空有新亭涕淚人

其二十一

宮闕咸陽一炬塵賊營纍係盡朝紳宰衡原是清
談客夜半牆陰送此身

其二十二

文淵閣下萬籤書宋刻元鐫世莫如兵燹一衝奎
壁府縹緗殘破劫灰餘

其二十三

禁垣夜闕小南城鳳闕華鐘徹禁鳴憑几景皇驚
問候鼎湖升馭可分明

其二十四

高元殿裏奉三清紫禁榮光太乙明一自永陵春
草閉碧虛何處聽吹笙

其二十五

西苑焚修太乙祠
瑤箋宰相寫青詞
生來漢帝仙才少
空戴香冠事祝釐

其二十六
太液池東小甕城
承光圓殿拂雲平
殿前古栝何年物
傳是金源直到明

其二十七
洛鼎當年定北平
每勞天子御戎兵
受降不築黃河北
百萬金錢拓外城

其二十八
首善鄒馮講學初
葉公作記董公書
穹碑黨禍遭

搥碎三案相尋社稷墟

其二十九

西山圍合白雲層
極目郊圻感廢興
天壽玉衣消王氣
無邊風雨十三陵

其三十

黃華坊裏教坊司
小隊銀箏舞柘枝
自閱亂離惟馬矢
斷垣衰草不勝悲

有感

欲期熊館賦長楊
對景沈淪暗自傷
乳燕三春迷去住
賓鴻萬里識炎涼
平生懷古悲生涕
著處吟

橫雲山人集卷之五
詩喜帶狂枕上三更聞畫角有無歸夢到家鄉
飲何蕤音先生古藤書屋

龍門百尺渺難登喜到高齋對古藤少長題詩紅
葉共高低點筆石欄凭敬通跌宕因文史北海風
流在友朋更喜柏臺增氣象邇來霜簡劇威棱

飲民部黃蘭岩先生寓齋

憑高池館午風清卜晝欣逢綺席明檻外碧潭看
洗馬窗前深柳聽啼鶯徵歌不覺人忘暑籌國何
妨酒細傾數載軍糈無仰屋久知劉晏正持衡

贈葉國博蒼巖

射策匡衡重談經翼奉尊古來崇教胄今日盛橋
門學自先生解文成太史言瘦羊分割後招客共
清樽

其二

二十蟾宮侶春風白玉姿昔裁揚子賦今擅蔡邕
碑署冷鱸常落庭閒鳥自知便便書滿腹不用苦
長飢

橫雲山人集卷之五

橫雲山人集卷之五

其二

橫雲山人集卷之六

雲間王鴻緒儼齋撰

山暉集

雜感七首

倚柱拔劍肝膽露壯志激昂夜起舞白楊蕭颯霜
風寒關塞青熒月東吐我生棄繻學終軍憔悴依
人竟何補嗚呼得失變化須臾間不用為鼠用為
虎

其二

渾河九月北風利沙軟草乾雲拂地誰家結隊出

長楸牽犬擎鷹數百騎儒生短衣過道傍箭作鴉
聲畏而避嗚呼拍張得志封公侯上書季子遭時
棄

其三

我僕痛矣慘無色旅夜孤燈魂惻惻愧我來遊名
不成關山枉爾馳驅力強將濁酒慰窮途舉眼風
塵淚霑臆嗚呼丈夫豈合長數奇雲雨蛟龍有時
得

其四

南來威鳳棲崆峒和鳴嶰谷諧黃鐘飄零中道失

羽翼向人啄食罹雕籠眩視驚憂不自保舊侶錯
莫哀其窮嗚呼梧桐竹實竟何有鷦鷯枳棘欺秋
風

其五

我兄我兄在南國十年三獻荆山玉努力秋風祖
逖鞭舌存我類張儀辱昨夜離愁繞夢魂江潭依
舊窮途哭嗚呼一息不知况異鄉朔月邊雲斷鴻
鵠

其六

少年失志刺促居人後碌碌風塵苦奔走有犬空

裁吳地書無錢沽盡長安酒五陵同學騰青雲馬
上相逢但揮手嗚呼男兒抑塞磊落非婦人干將
匣裏蛟龍吼

其七

我家歇浦之南松溪曲小圃低牆繞花竹八窗洞
開倚而笑海上千峰翠如沐閒看少婦織機中時
逐樵童下山麓今我作客走他鄉悵望南雲亂心
目嗚呼隻身萬里將奚爲歸種江田抱黃犢

侍御施研山先生齋話別

弱冠挾書劔匹馬長安來燕昭已蔓草零落黃金

臺 聖朝禮樂恢皇王北施龍燭東扶桑公孤六
卿守文法布衣不得排天閭脫輓奮舌復何道遊
子慨然懷故鄉到時御苑榴花赤今見西山落葉
黃世人嗤我享敝帚惟有先生於我厚客館夜眠
徐穉榻金樽日飲平原酒退朝花下索新篇每向
鷓行不容口駑駘孤負九方歎明日分離實愴神
潞河一片征帆去愁殺秋風起白蘋

別秦方回姚赤城兄后張

西山秋寒雲稠風沙市野白日愁故人相送不忍
別邀我再上燕姬壓笛之酒樓回憶初來時結交

長安陌賓朋照乘珠文采連城璧縱橫詞壇上數
子真莫逆祇期同獻匡時策九秋鍛却扶搖翮當
歌且盡觴誰能叫天閭薦才乏狗監與援無金張
不蜚不鳴總莫問一去一住空徬徨君不見待詔
公車高第客舉轡連鑣何赫奕豈仗西園崔烈錢
幾陳北闕劉蕢策古來世事原如此笑殺腐儒徒
爾爾君擊鼓我起舞六合茫茫向何許安能貧賤
常羈旅散髮扁舟且歸去

與兄后張話別

木落燕山下悲秋我二人出門無可語失路更誰

親冀北空彈鋏江東憶釣輪側身天地內白日共
沈淪

其二

我去嗟無偶兄畱倍憶家歸心隨旅雁客淚對秋
花五字吟何益三年夢復賒相應焚筆硯沮溺事
生涯

其三

長安居不易歸去隱田園郭泰無危論莊生有寓
言逃名三徑竹避地一家村何日諧同志牆東得
弟昆

其四

汗漫非兄好緣無負郭田未能棲谷口且復滯幽
燕童僕憐孤影妻孥悵各天相看兩寂寞回首計
茫然

九日方回赤城屆遠受周諸子過別

九日黃花節燕山白露天河梁一揮手莧酒是離
筵子返青門騎吾乘笠澤船他時吟麗句莫惜鯉
魚傳

后張兄送至高碑店

自我來京國朱明迄素秋今朝歸故里短褐上孤

舟惆悵若爲別慙慙話道周當壚沽一盞那得破
離愁

天津夜泊憶都門諸子

津亭霜冷沈寥天古戍孤帆夜泊船波勢晚吞滄
海濶月輪秋湧潞河圓乾坤牢落同垂淚身世飄
零愧問年莧酒別離驚昨日相思人隔薊門烟

舟行

數日扁舟裏歸帆信北風喜無行路梗暫覺客愁
空兩岬吟楓葉長天叫塞鴻柁樓時一望雲樹渺
何窮

篷窗

冀北天儲重江東轉粟長金隄千曲水白舫萬重
檣春日行俱塞秋風去不妨篷窗閒嘯詠沙草自
微茫

解纜

榜歌常不歇篷隙月猶懸孤客自深夜同行何處
船倦鷗眠野水柔櫓破溪烟歸夢時時續郵程度
幾川

被放後同周子鷹垂南歸舟中即事

濩落風塵返故鄉飄然書劍共歸航孤帆夜月家

千里遠浦秋聲雁一行湖海未除頻結客關津欲
度幾迴腸數奇莫漫悲猿臂鎖院誰知古戰場

其二

蜿蜒亦作去聲河堤百丈牽篷窗閒對沈寥天霜凋柳
色黃無賴日射楓林紅欲然弄笛踞牀誰好事向
村沽酒只愁眠當今出鎮無仁祖米舫袁宏未覺
賢

德州

畿甸分侯服巖城第一州燕齊當阨塞水陸是咽喉
東據方山險西環衛水流經過巳日暮旅泊且

淹留

官舫

客子孤篷倚白蘋忽逢官舫到河濱遙聽歌曲嬌
無比隔著青簾不見人

與周子

脉脉河渠曲行行客舫遲夷吾三北後宋玉九秋
時已是不待志况兼搖落悲相看無可語篷底強
裁詩

遇友人北上

扁舟載秋光百川何瀾瀾停橈聞吳音得毋巷居

子披衣起相訪見面果然是驚喜問家中一一可
安只荅言君高堂強飯嗜甘旨我行因迫促未遑
作書紙屬我寄一言勸君早還里功名身外事暫
失良足喜三年日月長正合窮經史我聞嚴親言
淚下不可止尚友古聖賢發憤從此始我今歸瑁
湖君且向燕市歸時語君家無恙秋風裏

舟次臨清數日堤下即事

秋風席帽南歸客畱滯河津頭欲白閘門束溜似
崩雲管蒯維舟如挽石市虎眈眈橫索錢來把篙
師鞭馬策誰家青雀到河濱鼓吹喧闐還竟夕縣

令侵晨負弩行浩蕩開關從所適小舟蟻聚已多
時胡爲偏作書生厄吾聞殷制譏不征周官掌貨
非取盈况今 聖主下明詔舟車減算寬商氓爾
曹告緡亦何益更且趙壹囊無贏道傍聞者皆大
笑書生矢口談王道從來漢法佐軍貲豈爲秋官
徒禁暴君不見公孫白馬能談天身無符傳何由
前

野閣

野閣宜登望人家靄夕曛河從衛水合縣自魏時
分遠樹疑侵漢危檣似拂雲明朝應解纜前路狎

鷗羣

東昌

片帆下土橋言瞻東昌樹東昌本劇郡自昔列征
戍明初燕師興景隆特庸孺謬當大將旗棄甲乃
無數時王頗輕敵提兵聊攝路嚴冬十二月進與
盛庸遇庸軍背城陣火器如雲布肉薄多被傷內
外那及顧平安復益兵血戰一何怒圍王幾數重
刃接不容步幸獲朱能援潰圍始北度是役亡驍
將指張玉也燕軍爲恟懼錯迂廟堂謀無殺叔父諭我
來弔戰場淒淒值暮雨四野寒蛩鳴似爲髑髏訴

悲哉興亡跡天壤信多故

周子醉後歌

日斜帆落張秋口沽得壚邊十千酒周郎見之興
飛揚白眼看天傾大斗須臾沉醉發狂態笑殺傷
人齊拍手頭上歌斜折角巾嬉罵忽擲河之濱嵇
生箕踞阮生嘯今也千載成三人沆瀣篷窗夜濤
綠倒浸銀河瀉碧玉渾疑此水變葡萄猶說連朝
苦不足坐中陸生五十餘醜顏善唱關山曲笛聲
寥亮入秋雲岼葉吟風下林木周郎一聽那肯休
更拂殘盃對紅燭

舟行望安山湖

萬頃秋光白長湖浸碧天晚雲孤鷺遠新月片帆
懸客路情何極征衫日已穿無聊對佳勝倚醉且
詩篇

南旺

水脊分南北天儲巧灌輸無煩浮渤海容易達雲
艫絕濟還資汶疏泉更引湖至今遺澤溥祠廟奠
清醕

夜同周子作

灑落悲秋氣羈棲見客心水鷗寒作伴戍鼓夜難

禁漁艇浮燈遠長湖受月深勞歌相贈荅寂莫少
知音

汶上

扁舟汶上湖光清鷓鴣鷓鴣相飛鳴漁郎撥荇自
深處網得湖魚蕩槳迎

其二

湖魚撥刺不論錢舉網終朝恰滿船歸客月來無
美味未經入饌口流涎

其三

舟中有魚已可口况剩滄州數升酒一人兩人斟

酌之對月嗚嗚同擊缶

其四

東方月上滿湖光水拍長天點雁行除却浮名無
限樂青山輸與捕魚郎

望蜀山湖

湖心一點蜀山青森森波光似洞庭我欲乘槎浮
碧漢不知何處覓雙星

馬場湖道中

百泉來泰岳雲壑繞千重到此成湖濼分流會瀆
宗汪洋涵日月寂莫冷魚龍一棹侵晨發波心聞

曉鐘

遊南池同周子

扁舟南旺來湖光搖萬頃破浪多北風爰達任城境任城已廢今爲州漕渠天井關咽喉舳舻銜尾客行滯角巾閒步南池幽南池之名蓋自古少陵天寶游齊魯溝洫城隅進小船白露青氈偕主簿我今作客九秋天滿池高柳猶含烟鳴蟬抱葉荷芰老還看洗馬搖清泉唐時臺沼寧即此或者好事穿鑿相流傳可知山川風月本無定勝跡垂久緣名賢吾生不遇苦飄泊東道無主囊無錢一杯

濁酒聊共酌漫吟詩句南池邊

孤亭

濟北南池古垂楊繞郭青人烟圍綠水睥睨壓孤亭蓮倒霜前葉碑殘亂後銘詩篇畱杜老千載到雲汀

登太白酒樓

城上嗟我太白樓雕甍粉堞俯雄州亂山雲樹窗中翠萬里帆檣檻外流詞藻何人傳異代乾坤縱酒繫窮愁憑高悵望扁舟路敗荻衰楊兩岍秋

太白酒樓歌

太白當年客任城竹溪日日傾杯翬天寶之初游
闕下金鑿召見含朝醒一日沉香開芍藥傾國名
花對春酌梨園舊曲不足聽勅賦新詞競歡樂其
時天子手摩笛龜年絲竹聲清激太真再拜領歌
意供奉恩光真莫敵中官力士掌六宮出納王命
羣趨風太子屏息尚兄事諸王公主稱為翁白也
乘醉却引足呼令脫靴如侍童世言太白惟嗜酒
酒狂玩世同芻狗我言太白非酒徒巨眼觀人古
未有權璫侂主則藐之却禮汾陽軍伍時世人獨
醒太白醉醒者應為醉所嗤

泗上夜行次鷹垂韻

泗上孤舟客乾坤道路難關橋侵樹黑星漢拂波
寒澤雁雲沙宿漁燈水市看風帆兼日夜辛苦一
儒冠

出路馬湖口

河經秦豫從南徙山左諸泉更北來清濁合流喧
日夜帆檣銜尾動風雷淇園竹盡將何策賈讓書
存未易裁獨放孤舟凌萬頃神鴉舞處曉雲開

與周子

童稚論交已十年江亭坦腹更相憐漫遊薊北霜

初落纔到淮南月又圓
袞袞濁河千里曲蕭蕭
白雁九秋天中流擊楫
非無意每聽雞聲半不眠

孟冬

孟冬陰雲天地塞十日舟行五日黑
沙渚茫茫老鷓鴣叫波濤滾滾黃河直
畚鍤鳴鉦萬夫走東柳如山喧築口君
不見敝裘黧面東歸客突兀孤篷趁
朝夕

瓜洲夜泊

瓜洲古渡狂飈發疾浪魚龍夜出沒
篷窗開眼金焦青萬里長江瀉明月
喧唳几席流灘聲篙師不

眠語三更故鄉屈指尚千里明日先過鐵甕城

京口酒樓

鐵甕潮聲壯登樓萬里風帆檣荆楚接波浪烏彘
通落日翻江壁歸雲截海虹塹形原限北斗柄故
臨東六代人文歇三吳襟帶雄把杯心目濶愁思
入秋空

毘陵道中值兄顓士北上因送至雲陽夜別

悵然而賦

扁舟曉日渡江濱兄弟驚看贖角巾
客裏乍逢還乍別秋風俱是異鄉人

其二

秋天萬里動征鞍
來往孤鴻兩地看
莫怪薊門霜雪重
雲陽城上月猶寒

其三

篷窗午夜對淒風
歸去方悲阮籍窮
江上何人還弄笛
離愁偏惹落梅中

其四

燕臺一到好重登
料得相逢舊酒朋
爲道秋風黃葉路
片帆無恙到毘陵

其五

烏啼殘堞不堪聞
水碧天空見夜雲
愛弟自南兄自北
雁行相向月中分

歸來

長鋏歸來日貂裘
欲敝時吾親憐久客
扶杖喜相持
款款談征路
依依問舊知
自朝還至暮
盡室慰離思

其二

吾母倚閭久風塵
望早歸驚看遊子面
爲浣去時衣
岩笋經冬出
慈烏向晚飛
白華堪志養
不必羨甘肥

其三

親友來相訪花前倒一壺爲言終遠到無事哭窮
途消息江東老依栖海畔夫萬千飛動意對案忽
長吁

其四

半載京華客歸來意若何早凋三徑菊空發五噫
歌開帙蟬魚落褰帷蛛網多草堂須檢校從此臥
山阿

雪後遊鷹垂山園

干將山麓鎖池臺泛雪移舟洞口來玉砌未催欄

藥放銀花先綴礪林開逕環密竹全侵戶石抱微
冰半嚙苔對景羨君稱賦手抽毫余愧惠連才

其二

春來躑躅風塵際今日幽然坐此亭巖徑暖遲花
澹澹檻林烟濕晝冥冥雙峰帶雪衝雲白一水穿
橋濺石青猿鶴山中原有伴移文誰笑草堂靈

其三

纔憑畫閣層林上又轉迴廊小洞幽礪底濤聲三
泖應簾前雪色九峰浮飲醇君已同公瑾發興余
今似子猷莫訝山深寒氣入還宜秉燭夜來遊

其四

敞筵雲氣晚天清
荇帶鱸魚碧
礪羹風磬響從巖
寺落雪巒晴護石樓
明窗松枝老
棲歸鶻堤柳條
長待嘯鶯最是子
真耕鑿好簪纓
豈易薜蘿情

其五

欽我山居
邀至共飲

園因泥濘經過少
隔屋呼朋把酒卮
觸眼山花風裏墮
蒸巖雲氣檻前移
曲潭冰凍魚行澀
深谷林寒鶴舞遲
景物有餘人寂寞
摩挲石壁醉題詩

其六

園為故朱
吏部建

憶築名園泖水潯
競誇金谷闢雲林
巖蘿烟拂珠

簾影月榭花交玉
洞陰池畔開筵
鸚鵡度竹間攜
伎鳳凰吟繁華頓
逐東流逝惟見青
山自古今

其七

羅立羣峰迴壓門
平原烟草尚荒村
青山不見歸吳客
白恰難招異代魂
平原村在機山下乃二陸
讀書處今周子山園是其地
濕月嶂雲愁密雨
繞林巢鶴唳黃昏
當年洛下聲華盛
底似尊鱸酒一樽

其八

奉懷金
山先生

僕射風流實我師
棄官買地葺巖池
峰浮白雪蘭臺賦
閣擁梅花水部詩
驥尾每深千里志
爨桐今

愧十年知何緣反滯東山展悵望雲松有所思

王孫遊

寂寂王孫去萋萋芳草生關河青不斷俱是別離情

閨思

抱得朱絲琴臨風彈別鶴愁如江湖生不共江湖落

一尊

蕭蕭栖鳥下蕭蕭虛牖開一尊聊獨寫海上月華來

扁舟

舍南無百里來往一扁舟曉色滄江樹寒潮碧海流人家沙際斷鷗鳥望邊浮本是隨予適烟波任去畱

溪南別業

溪南營別業數畝一林清好鳥如有識白雲時自生常攜甕中酒往饁隴頭耕此樂真何極休爭世上名

吾廬

逢迎非夙願合與世人疎山水有餘樂琴樽是故

廬閣知千載事努力十年書倘究天人學良優賦
子虛

漁父

終日滄江上浮家獨往還興隨秋水濶心與白雲
閒放浪蒹葭渚栖遲楊柳灣濁醪傾數斗歌枕聽
潺湲

題農舍

北風已時至雪晴湖上山山家農事畢老幼俱歡
顏牧豕高岡下放犢平蕪間同在桃源內荆扉不
用關

田舍客至

時清有樂郊卜築依十畝南山正當門東江復繞
牖名花滿塍外翠竹匝圃後幽人常自來披襟酌
春酒

山居樂

機雲兩山間高下丘壑美閒攜一卷書獨坐楓林
裏

其二

泖湖千頃白乃在山之下漁歌杳入雲何減滄浪
也

其三

連山數里竹勁挺大盈把入林不厭深來結遠公社

橫雲山人集卷之六

橫雲山人集卷之七

雲間王鴻緒儼齋撰

山暉集

上宋荔裳先生

屈指論當代何人藝苑傳蘭臺真作者大雅冠羣
賢灑氣包瀛海高文挺嶽蓮胸分奎宿爛筆綴夜
珠圓得主凌雲賦乘時寶劔篇廣川堪並駕士雅
讓先鞭更識金魚貴爭看粉署仙冰壺澄九品玉
尺量三銓望自清通著談於風月偏賜衣頻捧詔
倒甕輒沉眠宜晉台衡座還資保障權黍苗寒谷

橫雲山人集卷之七
律雨露薊門天課以旬宣最榮仍節鉞遷函關山
勢壯仙掌月輪懸飛蓋黃花驛題詩白豹川草堂
人可接杜老句同鑄廡有談經士囊無去國錢棠
陰秦樹滿宦跡鑑湖連乍掃鯨鯢靖因推獬豸專
黃沙當鏡澈墨吏望風旋梅探孤山雨香攜鷺嶺
烟訟庭封碧草鈴閣酌廉泉名爲清流集辭翻黨
禁牽鄒陽梁獄日越石左驂年北闕開仁網南山
種薄田勝情三島外游屐五湖邊并識賢人聚帷
知弟子褰寓言超蝶夢小令入鷓絃峰泖虛靈秀
機雲罷綺妍龍門真獨聳馬巷得相聯燕石難追

琢樗材合棄捐琴書空入雒珠玉贈遊燕獻策身
徒爾看花淚泣然至今慚白雪自昔愧青氈五字
吟成癖三年札未穿項斯嘗在口賜也未窺肩拂
拭鉛刀利吹噓退鷁前九方叨一顧伏櫪最矜憐

修竹篇贈筠士上人

有序

筠士少託青蓮聲蜚白社叅來慧日時降毒澗
之龍興入南峰好放秋林之鶴筆翻羅什之經
文成貝葉水壓圖澄之偈鉢捧天花人同玉樹
倚鷺嶺以臨風胸抱驪珠嗣碧雲而振響矧惠
遠談空盡是鴿王妙義道林結客無非雀巷名

流披宋玉之風陪蘭臺而作賦迓周顒之駕憩
鹿苑以題詩筠士見許於宋荔裳周釜山兩先生且性愛琅玕徑
開巖壑叢生烟霧每棲三島之禽影寫檀欒常
把七賢之臂何幸上人漫催短句扇異蒲葵之
製篇仍修竹之名體變五言韻成七古遠慚伯
玉有媿碎金矣

香刹谷水陽誰種琅玕竹三竿復兩竿傳是篔簹
谷下蟠蕙草根上灑松枝綠禪房花木春日濃霜
姿獨爾凌秋冬自栽柰苑時棲鳳不藉長房化作
龍年來密蔭遮三徑拔地梢雲更奇勝寫月垂垂

講院燈吟風歷歷齋壇磬我從燕山歸風塵嗟蹭
蹬青衫欲脫不得脫且向空門學禪定高歌來化
城竹下苾芻迎人如修竹清修竹同其名惠休文
筆支公塵未知今日誰爭衡臨行貽我東陽扇謂
余詩句能百鍊漫道王猷愛此君誰知焚却君苗
硯吁嗟乎蘭臺宋玉今神工截筩嶰谷吹黃鐘過
江僕射中郎識能使柯亭椽竹爲長筵余生不得
東上蓬萊西少室安能胸吐瀟湘碧但有嶽崎歷
落心常憐峭蒨青蔥色

送洪屆遠入都兼寄秦方回姚赤城

故園春日花滿樹金樽綠酒畱君住自言幕府借
才賢輕裘駿馬長安去洪子洪子荆山玉昔獻君
門悲別足胸中豪氣碧天高那肯低眉老鄉曲自
是交遊滿帝京却笑傷人何局促送君揮袂別茸
城黃鳥飛翻驛路鳴漢時雲開晴嶽迴燕臺雨過
夕烟明到時諸子重攜手爲道王郎一寄聲

無題

晴雲忽下碧城鸞姑射迎來漏未殘對月豈知銀
燭短飛螢時點玉釵寒小蠻楊柳風中軟靜婉蓮
花掌上看試問陽臺曾到否佯羞低倚赤闌干

春思

柳絮紗窗色櫻桃玉砌花春風無限好飛去落誰
家

宮怨

長信宮中月含情夜夜生嫦娥知寂莫作意向窗
明

調馬

驕驄春日苧城西隅目連錢白玉蹄柳畔石潭新
試浴花陰珠勒半含嘶

閨思

鎮日無人鎖鏡臺不堪繡戶滿蒼苔愁心欲付春
潮去曉落晴江晚又來

懷兄后張

零落燕山客歸裝滯隔年思親殘夢外和淚百花
前袖滅襴衡刺囊羞趙壹錢南飛無數雁好把尺
書傳

奉酬大宗伯合肥龔先生

良弼佐昌期履聲戛雲陛薰風虞帝絃肅穆姬公
禮梧桐鳳凰翔卷阿賡繼體鹽梅說命申稼穡邠
風啓休沐下彤墀蘭藻輝旌棨綠楊蔭瑣窗繁花

散玉醴致君丹石心憂時素絲涕仰止溯千載濁
河辨清濟

其二

鏘鏘宣武門憶昔侍芳醪綺疏結象筵籍甚金閨
彥吹笙復鼓簧羽爵難具算玉軒樹畱鶯晶簾風
入燕歡賞日易沈雙闕耿銀漢歷歷鐘漏移冉冉
花光泣握卷示瓊玖蔚若雲霞爛哲人揚吐握下
士增婉孌仰慚樂顧榮頓失周璞賤

其三

京雒悵緇塵徒步歸巖谷朝餐東海霞暮煮崑山

玉揚葩芬紫蘭吐苗裊黃獨徙倚懷君子翩然感
鴻鵠鴻鵠雲中至素書炳人目長跪一以誦高文
何馥郁雨露灑枯株華袞被裸俗感激抱區區銜
情聊躑躅

五日前一日同鷹垂兄顓士邀宋荔裳先生
吳六益張硯銘董閩石蒼水泛舟龍潭雨
阻移席周子春暉堂分韻得舟字

擬向城西泛碧流共看簫鼓競龍舟移尊曉度羣
峰雨開閣涼生五月秋玉腕行盃歌白紵雕闌枕
石逗紅榴蘭臺楚些吟成後不到江潭總欲愁

夏日侍家大人同宋荔裳先生吳六益兄顓
士飲張忍齋先生竹深書屋

高館邀賓白日斜曲欄隨處踏烟霞八窗翠寫簷
簞谷一澗香開菡萏花劇喜雄風憑宋玉誰憐寶
劍拂張華知公念切通門舊杖履追隨未有涯

夏日小集茗粥堂分韻得寬亭字賦送宋荔
裳先生

蘭橈移浦澈草閣且盤桓縱酒追河朔論詩數建
安松風吹葛細巖月寫盃寬高會非逃暑驪駒話
別難

其二

江城沈夜角賦別醉中聽斜漢三更白高梧一檻
青路難愁倚劔天濶好揚舲惆悵雲霄隔寥寥問
字亭

送宋荔裳先生入都

十年帝里候鳴珂踪跡偏教滯薜蘿高臥雲山安
石健薄遊詞賦長卿多一樽畫漿開南浦六月輕
帆掛濁河莫惜瓊瑤征雁迴秋風谷口奈愁何

其二

還朝劍珮入承明雙闕重瞻瑞靄平御苑夏雲隨

玉帳仙盤秋露落金莖共知旃厦咨羣牧應有文
章駕兩京獨怨龍門千里隔吹噓誰到魯諸生

題鄒氏君子亭

愛蓮處士園亭好夏日池塘觸眼紅種比華峰開
玉井花同太液繞離宮潭魚倚葉吹晴浪水檻浮
香坐晚風何事賓朋爭屬和一帆申浦起潮東

夏日過兄顓士西園

伯氏幽棲處真成隱者居竹欄晴護鴨巖澗碧跳
魚松下彈碁後風前晞髮初自耽丘壑趣長著子
雲書

其二

石砌桐花放銀塘
菡萏鮮香延巖逕
入涼愛水窗
前文選攤晴几
黃庭擘綵箋
怡情天地外
高臥即神仙

其三

臺榭堪垂釣悠然此一涯
蜻蜓當檻亂翡翠掠波
斜嫩竹春天笋幽蘭暑月花
輞川新句好未許世人誇

其四

三伏渾忘暑千章嘉樹林
晝眠冰簟冷雲護石苔

陰何日依金谷爲園擬翠岑
自知勞結想對景動微吟

草閣

江邊一草亭巖石水泠泠
沙渚流星白梧桐受月
青栖鳧原合隊倦鶴自梳翎
誰笑田家僻吾生任醉醒

酬閩中陳昌箕次原韻

五十年前過白苧重來雙鬢已
生華黨人賸老張
元節亡國高談李左車
亂後江鄉屯虎豹歲凋耆
舊怨龍蛇知君匣裏新詩滿
潦倒乾坤著處家

送兄后張之潮陽

去秋別酒對西山憐余匹馬出燕關今日池塘是
故鄉看兄六月又潮陽問兄何事苦奔走客中五
見青楊柳獻策誰能叫帝闈還家四壁空搔首爲
少蘇素負郭田難甘原憲衡門守憶昔聯翩瞻鳳
闕攬結聲華誇玉友壯氣高凌海嶽間詩篇肯落
曹劉後霜臺侍御愛論文施徐二公今山斗花下
時開翰墨場鐘聲夜半傾盃酒游揚兄弟羣僚上
却話新篇不容口即今躡翼竟沈淪一束淒涼同
敝帚饑驅欲覓賣文錢傷人大笑輕芻狗名蓋長

安那不知囊垂趙壹嗟何有君不見相如當年不
得意臨邛作客恣遊戲一朝詞賦多輝光九重嗟
嘆凌雲氣如兄碩學未途窮且看羅浮蜃氣中嶺
樹倒翻么鳳綠驛樓輕擘荔枝紅到日正逢椒瘴
少秋濤無恙鱷溪空獨有西堂臥惠連相思南海
隔雲烟客裝倘得新詩滿莫滯炎荒又一年

贈沈雪峰

家園烽火逐飛蓬白首全生戰伐中九辨江潭追
宋玉五噫京洛賦梁鴻蓼莪恨灑啼鵲淚薜荔秋
清放鶴風自是乾坤堪獨老禪林閒對佛燈紅

橫雲山人集卷之七
九
奉懷田髯淵先生

柳上園亭枕白波幽人高臥老烟蘿一官彭澤歸
田早四壁相如作賦多松徑曉雲羅鳥雀水窗落
日抱龜鼉問奇劇有扁舟興悵望風濤阻嘯歌

送旅菴大師入都

蕉園碧殿玉河傍

先帝曾開浴佛堂都講競叅龍藏偈法王親捧鉢
蓮香鼎湖自下烏號淚塵世常浮般若航重去摩
抄遺勅在 寢陵松柏已蒼蒼

小集次魏惟度原韻

五茸城頭白日西九峰窈窕歸雲迷上客騎馬來
蕭寺主人斫鱸臨青谿銀甲泠泠花下響玉壺瑟
瑟巖間攜相如昔有美人賦醉裏還看爛熳題

奉贈陳右叅綠崖先生

棠陰幾載石頭城祭戟牂牁萬里行銅柱嶺標秋
日迴盤江兵洗瘴烟清控弦番落環車拜椎髻蠻
童擊鼓迎漫道炎荒誰作賦東南憲府舊詩名

周子鷹垂往干山作詩訂之

故人結廬干將峰窗中削立青芙蓉長松晝日翻
白鶴懸崖暝色聞霜鐘男兒豈必論官闕南陽天

矯爲人龍自比管樂世未許君也磊落將無同憶
昔冒雪尋溪入銀濤鼓檝烟巒濕雲蘿壓檻裊裊
花霜梅窈窕瓊軒立主人憑高鶴氅裘山童沽酒
棕箬笠風塵此事隔半載夢想猶貪看雲壁龐公
堅臥不入城余欲茲焉來卜宅

閒居八首

客夏遠行役逢人多嘆喑今歲理詩書一室自晨
夕筆硯含餘清山花對几席東鄰有學者妙義通
三易幅巾扶杖來時時談在昔塵埃寡歡娛至道
堪悅懌睠茲投林禽無羨搏風翮

山水有佳境春秋多好花卜築依幽勝茅茨自亦
嘉雲谿藏數曲路爲深林遮高下足魚鳥咫尺唯
烟霞若無漁郎至何處尋人家

世事皆有託萬物快其生今朝風日好曠觀怡我
情迢迢天四垂亦似欣晴明溪樹何沃若飛鳥相
和鳴一壺掛樹下把盞獨自傾山鳥識人意踟躕
殊不驚願叅莊周理出處均無營

讀書究往事閉戶絕塵鞅聊借簡冊情收我汗漫
想日月遞盈虛雲霞共來往不知人跡希但覺庭
草長庭草淒以綠白露何瀼瀼時光不可留芳英

歸宿莽

春風二三月綠楊滿前谿侵晨方盥櫛布穀催扶
犁呼童往田間芳草何萋萋溝塍決高下流水分
東西力作移日晷隔村聞午雞

沮溺欣有侶比屋兩三鄰耕鑿皆情話形忘誼彌
親一年敢逸豫力作尤在春厚生重土穀王道警
惰民安分得天樂田家無賤貧

久欲棲南畝客遊惜未踐雅志服先疇耕稼固所
便好風從南來百草搖芳甸深耕須及時負軛黃
犢善維莠戒風詩非種載古諺閒閒十畝間帶經

自婉變

好雨應農節靄然來自東高原與下隰灌溉無不
同今朝晴亦佳秉耒隨鄰翁良苗帶餘潤依依懷
遠風即景較時若可以卜年豐倘辟力田科無溷
王君公

同吳江徐臞菴同郡周鷹垂馮寶初沈彥澈
張持遠登一覽樓和楷菴大師韻

鹿苑莊嚴百尺樓賓朋暇日快同遊九峰雲抱丹
楹濕南浦潮穿碧樹流齋罷伊蒲分怖鴿風來修
竹聽鳴鳩應知高士開文選劇喜驪珠得惠休

得研山先生書

寂寞江潭賦七哀，忽逢雙鯉自西臺。
御河一派層霄上，那得流從萬里來。

春日偕梅巖鷹垂閒訪

猶記當壚舊酒家，門前烟柳任欹斜。
樊川一覺風流夢，閒對春光數落花。

其二

花滿青蹊黃四娘，杜陵當日獨尋芳。
嬌鶯戲蝶知無數，可有金尊自在嘗。

其三

蘭臺宋玉遊雲浦，東國陳思眄洛川。
麗賦至今多逸慕，不知何處見嬋娟。

其四

碧桃仙種自天台，偏向人間任地栽。
莫道楊花勾引去，深紅淺白爲春開。

秋夜侍家大人兄顯士子武飲有六二叔祖

齋

良辰綺席敞巖扉，叢桂風清坐翠微。
樹裏明河懸水檻，花前涼露濕秋衣。
銀鐙光射昏鴉起，玉盞香浮紫蟹肥。
少長蘭亭原共集，吟成相送月中歸。

讀魏惟度枕江堂詩藁賦贈

寓公高寄石頭城一枕臨江客思清帆去蕪湖雲
影亂潮來京口浪花生仲宣風物他鄉賦庾信兵
戈故國情遙想詩成對烟霧驪龍應避夜珠明

禹服徠遠招梅巖蓮菴堯臣鷹垂兄顓士弟
巖士同飲清逸堂

華堂密坐簇金鈿纖手探鈎翠袖傳醉後不知蓮
漏短月陰移出小山前

其二

痛飲諸君是我師青雲同恨致身遲相逢且共花

前醉螺贏螟蛉總不知

其三

琥珀齊傾金屈卮坐中百罰更誰辭孟公不必頻
投轄我輩尚書豈有期

其四

吳姬十五倚新粧一串歌珠繞畫梁唱到馬嵬軍
亂處不勝哀怨斷人腸

其五

貢禹彈冠事未真椒蘭朋舊有誰親回思琴酒當
年客今日長安半貴人

送魏惟度讀書西湖兼訪其舅氏

西湖景物送君遊此去應登湖上樓
雨綠段橋深柳色霜紅天竺晚
風秋蓮舟女伴寒珠箔水檻書
聲雜棹謳祇恐渭陽情思切亂離臺榭總悠悠

送兄子武之江陰試

追思兩度客澄江兄弟青燈對佛幢
夜半竹房渾不寐鐘聲頻逗讀書牕

其二

江上高樓絕壁開狂風憑眺憶徘徊
征帆盡泊君山下雪浪千層湧日來

訓及山夫

羨爾才名二十年關河魚雁兩茫然
及巖向老栽

瓜地

及山在禾中即及氏家山也

谷水重過落木天賓客談時

驚折角山川亂後紀由拳

山夫曾修青邑志

更知庭內陰

霏雪把管難酬桂樹篇

送筠士上人之堯峰

攜錫尋師茂苑分講堂叅罷靜香焚
遙知夜月松峯頂蓮鉢蒲團坐白雲

村居

年來移植遍花木似僧龕學道松溪曲
躬耕秦望

南晨餐依晚釣秋葦待春蠶自喜離城市龐公逸
興耽

其二

白鷗浮渚遠紅日下山遲粳稻新霜後川原晚步
時牧童晴戴笠鄰女坐調絲宛似柴桑里長歌陶
令詩

其三

草閣共誰憑秋風落木澄江漁沙外月鄰織夜深
燈酒力禁寒薄衣綿趁候增攤書懷遠躅詩讓古
人能

靜夜

靜夜虛堂敞風清月色纖松梧高石檻星漢逼秋
簾捉筆狂書卷看題細檢籤幽棲多勝事詩句稍
能添

奉送少宗伯田遜菴先生奉使還朝

禮樂春卿重山川越嶠賒一卣王錫命六節使乘
槎候騎通蠻樹朝臺散海霞藩封天咫尺稽首對
皇華

其二

爵服王人宰文章鄭國僑玉環羞入市縞帶憶同

朝風月千山荔戈船萬里潮不須勤設醴回首戀
雲霄

其三

使命三秋返程門十載懸言尋通德里獨泛剡溪
船杖履恭黃髮尊鱸薦別筵叨承星聚夜樽酒向
江天

其四

信宿談經地乘風畫艇行江花明水驛海樹拂霓
旌箕斗懸吳會蛟龍嚙楚城還朝甌卜近黃閣念
蒼生

村居

木落秋將盡村醪晚更沽那知逢聖世偏自哭窮
途密葉垂黃橘疎槐下白鳥相看二三子寂寂老
菰蘆

其二

每倚池邊閣閒看窗外松村虛斜得月寺遠靜聞
鐘候雁秋前至青苔雨後封此生何住著天地一
孤筇

雪後寄懷及山夫寓居超果寺

桐廬高士寓花宮雪霽羣山檻外同玉澗鳴泉流

石磬珠林雛鶴下松風兔園賦後閒枚叟龍藏叅
時得遠公謂楷菴師也百里懷人還薄暮寂寥吟句撥
爐紅

雪後懷魏惟度

梵宮應作選樓名黃葉看殘白雪明孤塔掛窗銀
漢落九山環榻玉巖晴歌成豈許巴人和賦就還
生梁苑情惆悵子猷思訪戴扁舟猶阻暮濤聲

橫雲山人集卷之七

橫雲山人集卷之八

雲間王鴻緒儼齋撰

山暉集

水西草堂歌贈田髯淵先生

先生有草堂窈窕泖之側波心劍削九峰青窗裏
帆檣天一色沙嶼漠漠水雲濕愛聽漁歌舉網集
霽日濃飄岼口花雨昏時閃蛟龍立草堂高臥已
十年昔別此堂北入燕趙壹才名誰不識左思詞
賦爭相傳柏鄉魏公尤夙好每看落筆推神妙一
時文選國門懸直逼黃初風格峭漢廷卿相寡其

匹折腰五斗何須得歸來依舊草堂吟菱葉蘆花
亂鴻鵠嗚呼耕田鑿井唐堯力咏歌山野臣之職
君不見令長薄祿同鷄肋軍書戎馬紛如織上官
唾罵填胸臆何如先生草堂浸花石白眼閒看三
柳碧

悲歌行贈董樗亭

吾友吾友文章伯胸有萬卷無擔石吾友吾友嵇
阮流眼前一尊百不憂雄才自足排海嶽豪氣况
復凌王侯仄身天地困時命孝廉老矣嗟何尤城
西王郎情最得騷壇忝狎敦槃側蒿徑羊求自往

來四壁秋蛩意悽惻我一篇君百首我一勺君數
斗睥睨詩酒間狂呼露其肘聲華但使古人齊埋
沒焉知賤士醜嗚呼相如無官卧茂陵子雲投閣
著元經昔賢不遇亦如此空山魑魅窺精靈君不
見吾友董樗亭

題周子鷹垂小像

匝月故人江雨隔開卷忽晤秋巖側大笑胡爲貌
此圖爾學山僧我猶識丈夫勲名應須畫麟閣悲
哉磊落昂藏置丘壑青衫見之憎如讐翻覺緇衣
良不惡此中矯脫有深意乾坤炎熱堪逃避君不

見今日對畫顏色好明日對畫顏色老念此如何
散懷抱

短歌行贈趙雙白

閩嶠詩才何傑出前者石倉今雙白天矯不樂時
人識銳意高吟獨有得憶昔干戈走百越東泛蓬
瀛弄日月安期骨朽金闕摧鯨吞鼉吼嗟毫髮百
戰餘生到五茸子居巷西我巷東追游不畏襜襪
熱慷慨豈厭茅茨空酒酣奇句落我耳恍聞豫章
白日翻長風噫吁噓魑魅憎才厄時命乾坤得失
真難定君不見盧循帳下歸來客金印銅符累侯

伯吾子磊落嶽崎竟何益

上元集吳六益梅花書屋分韻得天字

芳塘梅萼繞春筵季重風流鄴下賢滿座賓朋聯
白社一樽亭榭對晴天市然火樹銀鐙亂窗近巖
城璧月懸刻燭競誇詩句健驪珠交映曲闌前

贈顧東籬

君抱龍泉切玉犀利之奇才忍使錯落繡澀埋塵
埃斬蛇不遇赤帝子氣燄夜燭蒼天開憶昔江東
五馬渡血風戰霧乾坤暮坐嘯誰誇安石碁宮庭
但鬪潘妃步相國依稀記馬公君當入幕參軍座

拂衣不聽安吳謀半壁山河從此破時平閒作滄
洲客枉殺陰符授黃石山中夜唱牛角歌欲起英
雄已頭白

送金潛五還秣陵分得迹字

寒沙落盡飛鴻迹谷水城西送行客海日孤懸睥
睨紅江峰九點芙蓉碧黃山第宅久蒼茫惆悵歸
帆指建康朱雀桁邊看故燕舊時王謝亦他鄉

送董蒼水之粵西

五茸春山青一樽城西亭落紅流碧澗雜樹聞啼
鶯江鄉風光媚人眼胡爲萬里天南行董子听憤

仰而笑我生豈老滄江釣九峰培塿不足觀壯遊
百粵恣吟眺名姓應題銅柱巔車輪那阻烏蠻道
君不見供奉當年謫夜郎藤巖妙句劖青蒼又不
見柳州守嘯傲鐔溪銅嶺間蠻煙瘴霧棲遲久余
也聞言爲肯首歎息樗亭才八斗山川文筆兩崢
嶸不讓前賢李與柳別君念君還羨君非宦非謫
非從軍瀟湘翠色堪攬結縱目眺盡蒼梧雲嗚呼
殊方土物亦何有綠珠井畔桄榔酒蠻女停歌勸
客時故園此際相思否

村居

我家滄海畔五畝託松丘不吝花前醉常貪郭外
幽疎籬環遠岫密樹繞春流竟日啼鶯滿無須覓
唱酬

北行

薊北三千里江南四月時隻身從此別再拜向親
辭得失應難定文章豈自知趨庭詩禮訓一日幾
回思

其二

愛子他鄉去慈親慘別顏計今辭故國何日到燕
山征馬朝兼暮行裝河復關倘邀明主顧萊綵莫

遲還

其三

憶昔南歸日山妻早下機今宵重話別挾策又京
畿膏沐誰開鏡霜華獨擣衣相期分袂後莫使尺
書稀

其四

吾姊通書史脩然林下風每言應早達此去不途
窮紫貝分匳匣瓊修贈滿籠叮嚀無限意珍重躍
花驄

其五

文戰曾三北秋風更背城親朋來一送書劍事孤
征天濶江帆遠雲開驛樹明不知同學子健翮幾
飛鳴

其六

獻賦憑誰薦燕山我舊遊寒沙疑帶雪夏日似含
秋客裏思鱸膾天邊望斗牛應知別離後雁帛早
緘愁

獨酌

思家獨酌慘離顏隔斷雲煙有萬山明月自隨鄉
國夢夜來還上穆陵關

山店

離家飄泊杏花風茅店猶開躑躅紅對月狂呼桑
落酒不知身醉萬山中

寄書與南歸者

離家久已絕音塵有客南歸值暮春馬上相驚渾
不識何緣君是故鄉人

聞角

邊聲幾度起鄉思茅店燈殘夜坐時淚到征人原
易落不關哀角月中吹

抵京宿侍御施研山先生齋

別後棲江潭二載益顛顛讀書發孤憤長歌繼悲
涕有懷明聖主未忍丘壑棄孔鄙鳥獸羣孟重出
疆質吾生非無徒所以躡屩至載升君子堂一述
腐儒志叨公久懸榻式用慰即次須臾羅酒漿陳
饋潔且治開軒對落日西山靄然翠出我百篇文
煩公運斤利先民有典型大雅良未墜自愧氣卑
弱何以騁長轡慘淡士子心錯莫有司意得失兩
茫茫立言千古事

秦子方回姚子赤城兄后張過訪

諸子游長安袒褐歷風雪三年喜一見客舍慰饑

渴秦子本不羈濩落意彌拙姚子頗豪邁談笑尚
激烈吾兄飽經史編摩老歲月非無公卿門落落
恥干謁見我故鄉來競前問家室荅言生理微春
旱土田裂種苗半已枯織作事亦缺有吏日追呼
四壁無一物望君賣文錢聊用充乏絕我行遣使
至鶉衣不能結寄語雖各殊蕭條景象一諸子聞
我言涕淚若湧出奮翅欲南飛山川渺難越嗚呼
天地間儒生固騷屑何時鯤鵬遊洪濤振溟渤

上祭酒徐公

祭酒東南傑德器負公鼎青年冠多士獨立丰格

整翺翺白玉堂著述金華省

先帝每召見恩禮迥莫並長楊陪射獵回中扈巡
幸宰相控紫韁命據驂騑侍從如堵牆企羨競
延頸人望屬臯夔公懷蕩箕穎浩然冰雪心萬頃
秋湖境及乎陟國師六藝闢榛梗講學扣華鐘能
令惰氣屏小子愧有造文無一字警每篇加斧藻
燦如雲出嶺非荷不倦仁何由輒見省爰佩聖門

言淼淼江漢永

先帝曾諭大學士車公引徐狀元上馬篇中故云

徐健菴先生過訪

茫茫宇宙間先達誰下士南州有長公弘獎蓋無

比常於羣馬中物識千里驥鯁生本迂拙自揣爲
世棄却掃儻古屋漫滅禰衡刺非矜顏觸高恐抱
陽鱈愧何意來高軒惠然肯先賁綠槐蔭長衢一
繫從者騎傾蓋如素知吐納皆妙義胸中無不有
浩瀚海涵地先生昔未貴讀書碧山次几席絢朝
霞筆硯流晚翠吾父時已達壇坫久樹幟每一誦
佳文謂當三舍避小子方弱齡姓氏良默記平生
嚮往心今朝偶然遂謬承推許殷懼貽衡鑑累吾
聞文章家須得古先意景仰高山巔登陟從此始
宋荔裳先生招同諸子飲梁家園即事

霽色花間散玉珂招尋芳徑暇相過客從元禮聲
華盛賦到蘭臺託諷多半頃湖光搖畫艇一簾香
氣撲新荷當筵不吝分牛炙惆悵風塵發浩歌

其二

薊北風沙到眼稠林塘此地一何幽久棲廡下寡
疎豁暫喜花前陪宴遊鳥度柳枝聲上下魚吹荇
帶影沈浮公今日旦晚專旌節賓從羣登百尺樓

其三

詞壇誰是策奇勳海內靈光剩有君東國孔融原
獨步西湖白傅可平分

觀察曾
官浙中

林間綠酒常浮月

座上清歌迴遏雲滿眼非無千里駿長鳴伏櫪幾
人聞

其四

憶昔扁舟泖水邊相陪詩社幾畱連銀鐙細雨分
題夜紅藥狂香載酒天睂目崔嵬清似畫風流李
白迴如仙不堪短褐金臺畔冠蓋重逢却惘然

司業李公招飲花下

夫子廬國秀早歲登金門詞華星斗燦浩氣江河
奔伸紙數千言字字羅奇珍始知郊島輩寒瘦非
才人吾觀詞苑內著作藹雲屯刻畫競一體風雅

道未尊孰若涵萬派天際來崑崙陶謝不枝梧小
家曷足論譬彼豫章材萬丈蟠深根鯁生詩思弱
靡靡青草翻恐無夕秀時遽委霜露繁花間得問
字皓月如車輪推獎兼訓迪感激古誼敦

飲吏部西樵先生寓齋

草樹菲菲滿院香雨餘夏日生微涼主人揮塵倚
綺席客子看雲浮巨觥詞壇珠玉誰咳唾君家弟
兄相頡頏新城甲第今無比江左蕭條朱雀桁

同王成博韓元少諸子飲少宰宋蓼天先生

寓齋

乍來旅舍解征鞍折簡招呼看藥欄猥念通門延
客座不妨遊子尚儒冠雲歸御苑千花晚雨過燕
山五月寒自是早朝多啓事却將杯酒罄交歡

集大宗伯龔芝麓先生齋

別公二載餘遁跡吳雲末遙望北斗深光華爛天
闕猥承元晏序敝帚聲超越用此重自勉狂歌興
彌發今朝來燕都櫺具復上謁不棄逢掖賤吐握
敘饑渴示我百篇詩詞場藉生活嘗觀涸泉魚陸
處相濡沫豈知運海鯤振蕩日月窟公才羅羣有
懸河瀉不竭頃刻揮千言斟酌到毫髮直具少陵

橫雲山人集卷之八
十一
氣迴得建安骨小子窘尺幅識爲時流沒今觀學
海寬始悟詩境濶高談把酒杯春風滿襤褐願公
作姬旦餘事續楚屈

行藥

客舍炎蒸三伏時久稽行藥覺神疲借來官馬尋
蕭寺閒與山僧讀古碑

同鷹垂元禮諸子餞宋荔裳先生觀察蜀中
此去重鐫劔閣銘駸駸騶從出都亭天階曉月辭
仙掌益部清霜耀法星花對錦官疎雨白雲瞻玉
壘萬峰青外臺豈久勞丹筆 優詔還徵入漢廷

七夕

烏鵲橋成夜色新人間兒女競相親蛛絲宮裏開
元盛犢鼻庭中阮氏貧可是雙星逢此夕漫教孤
館暗傷神七襄織得無窮巧欲借龍梭隔漢津

客夜

客夜愁無際秋風景倍清孤鴻千里月四壁一蛩
鳴獨坐親長劔攤書對短檠故鄉歸路杳此夕夢
難成

秋望

秋色滿燕關城頭萬仞山玉泉來樹杪金闕峙雲

間霜老寒花落風高旅雁還蕭蕭遠遊子衰颯損
朱顏

雜感

不識乾坤內艱難是客遊孔融常奪謁宋玉但悲
秋地迴風霜苦林空鳥雀愁上書歸未得旅舍漫
淹留

其二

京國園亭少閒行到梵宮佛螺舍檜雨瓦鼠竄松
風布地傳中禁穹碑列上公百年興廢事惆悵意
何窮

其三

明月爲誰好秋光百萬家朱樓窺玉鏡孤館望仙
槎砧復幾時斷酒從何處賒應憐虛幌客辜負此
年華

其四

萬國車書道盧溝列障多長橋疑玉竦濁浪似黃
河野戍圍羶幕高原散橐駝丸泥封隘口憑眺意
如何

其五

幽薊臨邊塞沙昏日易斜驛亭團馬矢官路塞柴

車問俗輕金革何方玩物華客愁全未減城角更
悲笳

天寧寺訪友

紺宇天都外高原一徑分舊遊重過眼訪客爲離
羣塔影斜侵殿鐘聲迴入雲林間閒繫馬寂莫對
斜曛

贈沈繹堂先生

明初二沈書傑出布衣選入官中祕先生文采繼
昔賢上第看花致高位少年臨池水盡墨秦篆漢
隸參胸臆姿態微分舞掌輕圭角全含扛鼎力世

人但知嫵媚好忍使蘭亭亡古則先生執筆如遇
敵歐骨虞筋有心得一時碑版照四裔好事盈門
鐵裏闔聲名烜赫騰天閭 聖人召見登明光金
璫常侍列階側銀魚學士趨案旁先生濡毫倚玉
管瓊箋十丈含星芒躊躇滿志方一發精銳欲倒
鍾王牆是日天顏大悅懌親揮巨幅字數行勢如
金電掣雨至爛若雲漢參龍翔先生目炫驚捧日
敢道臣書亦第一吾

皇解賜紫貂衣色潤毛深光似漆羽林將士矜拍
張此時却羨懷鉛筆傾城士夫走相賀鶴蓋成陰

衢巷溢嗚呼遭世明聖非偶然幾人上殿揮雲烟
君不見內史戴山書竹扇止令女姥求百錢

秋風

秋風萬里吹客衣霜林落葉寒依依高城日夕牛
馬入古道雲黑沙塵飛羈身輦轂恐無補滿浦尊
鱸何未歸會稽山水名士宅晉代遺踪應可希

送友人赴寧夏幕

薊門城頭吹鬢篋短衣送客氣蕭瑟風吹出塞不
盡雲沙暗銜山欲落日君行萬里何足歎從軍幕
府登征鞍時清單于久徒帳好挾雕弓獵賀蘭

與侍御徐山琢先生兄后張花下劇談即事

制舉非古風七藝更何以徒雕士子肝無禪孔聖
理略似優孟徒衣冠強相擬當場供一噓漂撇如
敝屣本不由靈臺何曾定轍軌有司嘗目眇棄珠
拾薏苡芴觀競不察乃曰此即是滄滄互標榜舉
世混臧否間或窺容光於道終骯骯更有譏譏者
埋首欲穿几割裂韓歐法穿鑿程朱旨譬束樊籠
中安得搏萬里先生天人姿口有懸河水花下共
論文每至日移晷肯許吐奇氣一洗積年痞結習
從此除浩蕩窮經史

咏古二十首

秦時大夫松婆娑歷霜霰千年摧爲薪無復保峭
舊睽彼巖穴士白雲空婉孌孤直難久存幽貞詎
詭術由光義至高文辭不概見哀哉采薇歌天道
未與善舉世何茫茫三嘆馬遷傳

夷吾頴上產少時常苦貧鮑叔略小節升爲齊國
賓善因致主霸一匡周室尊孔子嘆微仲嘖嘖稱
其仁孟軻始顯詆非王乃不陳聖賢有經權下士
無苛論

老子務自隱盛德貴若愚莊蒙取適已著書詆孔
徒申韓綜名實所尚似殊趨推原本道德史遷不
我誣厥後劉伶輩競爲達士模或亦祖清靜於儒
廢津途

周衰王政息列國尚功利蘇張行傾危縱橫各豎
議騶衍說怪迂或有牛鼎意世主畏其術俱奉上
相位卓哉孟夫子皇皇談仁義遊歷困齊梁七篇
爲世棄

戰國四公子信陵最下士置酒奉監者引車過屠
市設計竊虎符奮椎殺晉鄙救趙却秦軍威名無
與比及乎魏告急誠門弗通使毛薛一爲言趣駕

母稍竣仰攻函谷關秦兵盡披靡晚歲王中讒飲
醇以沒齒空經易代後漢帝命官祀

伍胥仕強吳破楚南敗越勾踐棲會稽存亡在毫
髮吳信太宰謀忠言乃屢紕厥後賜屬鏤仰天氣
勃發抉眼懸東門用以觀越卒鴟夷浮江中精靈
耿不歇至今祠廟前怒濤蕩日月

相如智勇士挾璧西入秦秦王坐章臺以璧示美
人合殿呼萬歲償城不復論相如給還璧倚柱發
怒嗔請王齋五日廷中設九賓間使懷歸趙鼎鑊
甘具陳秦終莫能加言返邯鄲闔洎乎澠池會秦

王妄自尊鼓瑟勢難已進銚氣彌震張目左右靡
賁育誰與倫廉頗偶相左引車何逡巡至剛化爲
柔愛國非愛身

曾連真倣儻高潔無纖塵驅車遊邯鄲誓死不帝
秦秦軍正合圍甲冑光鱗鱗忽聞建此議奔迸若
雷震迨齊苦燕將射書聊城闔千金既弗受高爵
詎能臣功成拂衣去訢然樂海濱

博聞燭治亂千古稱屈平當其造憲令草藁還未
成上官奪弗予讒謫由此興疾王聽不聰朝夕心
怵怵一篇三致意離憂滿太清被髮湘江上懷沙

空自鳴人窮則呼天天意如含醒湯湯汨羅水長
流幽怨聲

西漢兩大儒長沙與江都治安得政要天人握道
樞伊呂無以加漢廷誰其徒絳灌乃忌嫉公孫復
枝梧遇主不竟用王傅以終軀後世尚相惜當時
何見疏咄此秉均者孔子戒鄙夫

君山好古學意常非俗儒廷對不談讖皇哉翊聖
謨披鱗遭斥逐失志終長途敬通事更始屯軍界
休隅屢說乃歸命幅巾何于于納妻取詈已厥義
良非誣世祖竟不亮曩節誠爲迂兩賢博羣籍疲

曳堪長吁

張堪拜蜀郡計破公孫帝入城閱庫藏珍寶百萬
計得其捲握物足以富十世及堪去職日轅折布
被敝廉范救急難變姓作獄隸融亡竟不言千里
挽靈轆今人徒見金何況死生際

聖人道至大處亂貴默容青松在巖谷無言自春
冬申屠樂幽潛十畝田衡從因樹結爲屋秉耒身
同傭屢徵却不起絕迹梁碭中元纁空燦爛遙隔
青芙蓉舉世羅黨錮何似高飛鴻

陽春回大地習習生祥風曠觀萬物理樂在溫和

中至剛則必折悻直非處窮戴禮詳五諫諷告爲
最工咄咄李行祖憂國忘厥躬露布斥帝者班檄
移三公誅死竟不顧冤埋獄底蟲空傳賈刺史墓
石揚孤忠

孟博厲清裁如刃齒腐朽坐繫北寺獄臯陶祭何
有既齊李杜名何必期頤壽昂首從龍舒顧弟養
其母毅聲激頽俗浩氣衝北斗授命固自勇全生
亦奚負縹緲林慮山尚有逃名友

禰衡好慢物曹公尤所鄙稱狂不往謁乃召爲鼓
史脫衣著單絃一奏漁陽技聲節既悲壯容止復

迤邐聽者皆慷慨裸身更自喜操也顧而慚融曰
豈當爾嗤彼亂世雄難辱天下士

神仙本虛無非可學而至景純希輕舉青囊術殊
異投策避東南鐘鐸辨符瑞欲禳絕命期被髮間
如廁桓彝醉忘誠掩觀犯前忌驚嘆兩不免無待
逆敦事南岡柏樹陰兵解或有意

名人晉魏間全生無善術嗣宗本宏放豈被司馬
誅武帝漫求婚一醉六十日痛飲具妙用慟哭示
狂率嘗登武牢山企望嘆京室三復咏懷篇文深
意蕭瑟

稽康龍鳳姿雅量涵高遠採藥游山澤得意每忘
反飲酒號七賢竹林事嘉遯何意來士季踞鍛示
偃蹇傷生在用光得毋聞道晚
風騷日以替靖節溯其源棄官歸栗里黃菊滿秋
園撫琴一酌酒嘯詠皆名言良由意趣遠所以雅
道存後世事雕績務華徒傷根

月

寂莫中秋月清光照客杯一輪滄海外萬里薊門
來露覺衣微潤香知桂暗開閒愁何處減應任玉
山頽

古寺

獨策蹇驢尋古寺一憑高閣對清秋平生止覺羈
塵鞅京國雖來豈壯遊雁塞萬重圍翠嶺桑乾千
古自渾流聳身那得天閭近爲問興亡弔薊丘
喜外舅表公至兼得友人書

外舅三衢守清風歷數年歸舟空載石負郭舊無
田吟詠非時好宦游因自然茲來同逆旅霜落雁
鴻天

其二

燕市一杯酒解鞍日落時書囊來故國山客寄新

詩動我尊鱸興感君雲樹思應隨九峰下共采菊
花枝

京北榜後同年諸子集城南張園即事

鳳城南陌秋林黃同人聯騎來雲莊平川一望風
日霽西山萬仞摩穹蒼高堂却與山相對合沓屏
障開輝光千峯萬嶺翠欲滴遙獻我輩浮清觴玉
盤瓊羞列綺席雕闌紫岫花低昂梨園弟子皆妙
選絳唇朱袖調笙簧歌聲迴入碧雲去似斷不斷
含悲涼杜陵多年塵塞耳人間何得聞霓裳滿堂
磊落英俊士龍章鳳質神飛揚霜蹄暫展未足喜

誰先蹀躞游天閭百年升沈總莫定彈冠結綬殊
茫茫但願同門諧管鮑富貴貧賤毋相忘君不見
園中卉木列無數惟有青松傲雪霜

喜兄計偕至京

昔我離鄉國春池碧草深今兄來客館燕樹朔雲
沈共映窗前雪聯吟月下砧墳簾無限好明發古
人心

其二

鶴髮庭闈健天涯游子安經時勞遠夢相見慰加
餐客舍庖羞薄燕山夜坐寒不知蓬島樹何處可

棲鸞

除夕同伯兄作

京華同守歲柏葉泛深卮故國三千里殘年十二
時通宵喧爆竹不寐掩羅帷遙念高堂上應多遊
子思

其二

不識流光易偏催作客身銀鐙猶照臘玉漏已含
春此夕桃符換明朝鳳曆新弟兄同入洛珍重上
書辰

其三

吾父辭榮久高風傲鹿門今宵椒酒冽闔室獸爐
溫臘謝庭中樹春生江上村豸冠應待曉望北拜
君恩

其四

仲氏方龍臥稱觴鶴髮前椒盤承舊俗火樹接新
年盡室娛今夕看雲悵各天春池應得句早待寄
幽燕

橫雲山人集卷之八

